

مستطابق

۱۳۲۶

در سعادتده باب عالی جوارنده
داره مخصوصه
محل اداره :

خطار :

مسکونه موافق آثار جديده مع المنوبينه
قبول اولور
درج ايديلهين آثار اعاده اولور

دبير، فلسفه، علوم، حقوق، اديانده و سيايمانده و باطاهر كرك سياي و كرك اجتماعي و مدني احوال و شئونه اسلاميه و ديني ايدر و هفته ده بر نشر اولور.

آبونه بدلي

صاحب و مؤسسلری :

در سعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آلفی

ممالك عثمانیه ایچون	۸۰	۴۰	غروش
روسیه	۶۰۰	۳۰۰	روبله
سائر ممالك اجنبیه	۱۷	۹	فرائق

تاریخ تأسیسی

قبرله دن مقوا بورو ایله کوندریلبرسه سنوی
۲۰ غروش فضله آلنیر

۱۰ تموز ۳۲۴

اوجنجه جلد

۱۳ شوال ۳۲۷ پنجشنبه ۱۵ نشرين اول ۳۲۵

عدد : ۶۰

انخطاطات اجتماعیه

۵۷ دن مابعد

شومسروداتم، کیمسه نك معتقدات و حسیات وجدانیه سنه حاشا
تعریض دیمك اولمایوب، غایه امل برقاچ عصر دن بری مطرد و منتظم
خطوه لرله تکامل طبیعییه، مدنیت حقیقیهیه دوغرو یو کسله دن دماغ
بشر مطلقا دماغ اسلام اولمق لازم ایکن بز بالعکس مصاب اولدینمز
جهالت و اونك توأم همشیره لر یوزندن انخطاطدن انخطاطه اوغرایه
اوغرایه نهایت نمودبالله تعالی امراض مهلكه اجتماعیه اعراضنه مشابه
حالت روحیهیه استعداد تام پیدا ایتدیکمزی تکرار ایلکدر .

یا بونلردن مسئول کیمدر؟ ای علمای کرام، ای فضلالی کرام
سز، یالکز سز مسئوللکز .، اوزاقلره کیتیمه رك شو سوریه بی
دوشونیکز . درزی، اسماعیلی، متوالی، نصیری ودها بیلم نه اسملرله
یاد اولنان یوز بیکلرجه مسلمانك هر درلو تحصیل و تربیه دینه دن
محروم اولدقلرخی دوشونه رك متأثر اولکز . منشا آراشدیریله جق اولسه
یا اختلاف تاریخیدن، یا صورت تلقیدن، یا یا کلهش تفسیر و اجتهاددن،
یا خودکه صرف مادی یعنی سیاسی حرص و املدن عبارت بولنان
بو تشنتت تدریجاً بیویه بیویه و اصلاحی چاره سی امال اولنه اولنه
و عفريت سیاه جهل - دور حمیدی خفیه سی کی - چوغاله چوغاله
زواللی مسلمانلر هر عنصر دن زیاده مسلماندن متوحش؛ احمد، محمد،
حسن، حسین، علی ولی تسمیه اولنان بو فلک زده لر هر شیدن زیاده
مسلمانلقدن یخبر قالمشیر .

ایشته بونلرک و امثالی هیأت اسلامیه نك حال غریبانه سیدرکه
اقوامك انکشافات اجتماعیه و روحیه سی تدقیق ایله متوغل اولان
علمای غربی بحق شاشیر تیور و تشبشزلکمز، ایجابات دینی مزدن

اولدینی و حتی (موحد) دخی اولسادیفمزی ظن ایتدیریپورز .
مدقق شهر (سپنسر) بیله مسلمانلرک افعال خارجیه سنی تعلیل ایدیپور
ایدیپورده بزه حقیقی مونوته نیست (Monotheiste) دیه میور .
ودها ایلری کیدنلر بزی (عبده اموات) فرض ایتك ایسته بور .
جهان مدنیه نسبتله قیمت مغنویه من بو درجه لرله دوشدیک کی
بر یاندن ده شو تأخر دن امید و جسارت آلان قاتولیک و پروتستان
میسونرلری - یوقاریده برنبذه بحث ایدلیدیکی وجهله - کوندن کونه
قوتلرخی آرتدیریپورلر . مثلاً شو کوز او کنده کی جبل لبنان باقارسه ق
درت یوز بیکی متجاوز اولان نفوس عمومیسنك یوز یکرمی بیک
عددی و بلکه ده زیاده سی مسلم (درزی متوالی، سنی الخ .) .
اولدقلرخی کورورز . صوکره بو (۱۲۰،۰۰۰) نفوسدن لاعلی التمین
برینك بش اون یاشلرنده کی مکتبه کیدن چو جو غیله مثلاً :

- اوغلم آدك نه ؟ — محمد .
- بابانك آدی ؟ — حسن الحورانی .
- سزك کویده مدرسه (مکتب) واری ؟ — وار .
- نرهنده ؟ — کلیساده .
- نه او قیورسك ؟ — کتاب مقدس .
- . . . — . . .

دیه قونوشه ق اسباب حقیقیه انخطاطات کندیلکندن تجسم
ایدر .

روایت اولندیقنه کوره لبنانك کروان قضا سنده یقین دینه بیله جک
زمانلره قدر یالکز یتش خرسه تیان عالمه سی بولنوب قصوری کاملاً
مسلم ایکن بو کون بالعکس بعض قرا و نوا حیده (حارة الجامع) و امثالی
کی اسلامك بولندیقنه دلالت ایده جک آثار موجود اولدینی حالده

بر تك اسلام عالمه سی قلمامش .. وینه بوقضا داخنده علما وفضلاسیله مشهور بعض یرلر وارمش، كه الحاله هذه تألیفاتی ایادی استفاده ده دولاشدینی حالده مؤلفك، مسقط رأسی اولدیقنی بیان ایتدیکی یرده وحق جوارنده اسلامدن اثر قلمامش .. جهل و تعصبك تمثال مساحی اولان اهل صلیب آقینلرینه مجاهدین اردولریله برلکده مدافعه ده بولندقلری محتمل اولان بکلرك (امیر، میر) لرك بوکون بعض احفادینه کمال تأسلفله مصادف اولیورز كه عالمه اسملرینی، میرلك لقبی محافظه ایتدکلری حالده قاتولیک کلیساسینه، قاتولیک مذهبه منسوب ..

بز بو حقایق اجتماعی (اندلس) و (قپچاق) حکومت منقرضه اسلامیه سنه، یاخود بوکون بر تك مسلمانی قالمیان و اوج عصر مقدم ایالات عثمانیه دن بری وجامعلری قلعه و قشله لرله مشهور اولان مجارستانه و مثلاً مجارستانك اوفن، فونفقرشن، ستولوه سانبورغ، قانیزه کبی شهر و قصبه لرینه (باشالق) لرینه متعلق تاریخ کتابلرنده اوقوسه ق بونی، محیطك تأثیر طبیعی تلقی ایدرک تأثر مزی صافلاردق. حتی هنوز یوزنجی سنه سنی اکیال ایتمین یونان، حرب، رومانیایا قیاملری زماننده کی مثلاً موره، بلغراد، افلاق، بغداد ایالتلری مسلمانلرینك بوکونکی حالت اجتماعی سنی و حتی بوسنه وهرسکده، بلغارستانده، تسالیاده کی مسلمانلرک اوئوز بش سنه مقدمکی قوت، ثروت، کثرتلریله بوکونکی حاللری تتبع ایلسه ک وحتی اون بش سنه اولکی کرید ایله بوکونکی کرید مسلمانلرینکی دوشونسه ک مبارزه حیاته کی، محافظه موجودیت ایچون ایدینلمسی شرط اولان ثبات و بصیرتده کی ضعف مزی و مقابل قوتک، قهوه مهلکه ک نه قدر منتظم و تدریجی ایلرله ایش ایله ضعفزدن، ضعف علمی، ضعف اجتماعیزدن استفاده ایدر کلدیکنی کورور اکلار و قباحتی یانه یا قبله ماضی به و تعبیر عمومیسيله ایجابات سیاسی به ویره بیلیرز ..

فقط ای معشر اسلام!

اویوز سنه دنبری آقوب کل ورم ایچون مصائبدن و انحطاطدن باشقه یر آیرمیان اویجابات سیاسی به کچن سنه ک ۱۰ تموزنده شانلی ملتیزک جسور اوغللری نهایت ویره ک آجدقلری، راه فلاح و نجاتی سز، ای معشر اسلام سز تزین، تنویر، ایدرک و بتون معناسيله یاشاده جق سکز. بو، انحق تشبث، فعالیت، غیرتله دائماً ایلری به آتیلحق ایچون روحده بر قوت (حسن انبساط) اویاندرمه له قابلدن بزده بو حس بک طیبیدر، اریور، هم دینیز، هم اجدادیمز بونی امر ایدیور ..

هجر تک برنجی، ایکنجی، اوچنجی، بشنجی، اونجی عصرلرینی دوشونکیز ..

ایرانی، ترکستانی، هندوچینی، وحشی آفریقایی، اسپانیا و پورتوگیزی حتی قسماً فرانسه یی اسلامیت نوریله، اسلامیت مدیته یله بوکسلتن، اوروپانک تاجکر کاهنده سماواته اوچوشان ظفر صدالریله

دنیا یی تیره تن دینداش لریمز، اجدادیمز دگیدی؟ بوشان و شرف عزم و ثبات ایله، جهد و غیرت ایله استحقار حیات ایله سعی و جسارتله شریعت و قانونه اطاعت ایله اولدیس، بتون بوقوای معنویه ک یکانه مولدی ده علم و اخلاق ایدی. ثبات اخلاقیه سی، فضائل معنویه سی اولمیان هیئت اجتماعیه مطلقاً محکوم موتدر. نته کیم محیطی ایچنده یاشامق، بارینق قورونق علمی بیلمه ین هیئت اجتماعیه مطلقاً - یواش یواش - یوتولور.

عالم اسلامک، جهانلری دولدوران ولوله انبساطی کندیلمکندن اولمادی: هپ سعی و عمل ایله؛ هپ قوه قوه مفکره ک، دماغک روحه، روحک جسمه، جسمک محیطه تأثیری و بو تأثیرک عکسی تأثیرله دوغدی؛ بیودی، بیودی، بیودی ..

یالکز قره رده دکل، بوقوه انبساطیه دکزلرده ده حکمنی اجرا ایتدی، کیتدی کیتدی (مداغاس) اطه سنی ودها اوته سنی بولدی، (مداغاس بر) مداغاس طوپراغی تسمیه ایتدی. بوکون بزی اونی (مداغاسقار) اطه سی دیه طانیورز. مداغاسقاره ایلک کیدوب یرلشن، حکومت، مستملکه تشکیل ایدن کوفه لیلر ایش، و قیله یارم ملیونه یقین اهاالیسی، وقایع تاریخیه سی، علما و فضلاسیله بنام اولان و بوکون بلکه اوفاجق بر کوی قدر موجودیت صاحبی اولمیان کوفه به کیدوب سورساق، کره ارضه مداغاس بر اولدیغنی، مداغاسقار اطه سی بولدیغنی بیلن بر شخصه تصادف ایدر بیلیرمی بز ..

قره لرده کیملر یوروده ک (بیزانس) فساد اخلاقه نهایت ویرن سلطان بلند مز فاح، قره دکز اتکلرینه دوغری آجدینی بر سفرنده، فضیلت و جلادته یوغرولان موجودیتک، روح و دماغک سوق علویسیله دائماً ایلری به، دائماً هدفه وصول ایچون چکدیکی زحمتلری، توزه طوپراغه بولانان لباسی، لباده سنی، آجیق و پاک آلندن آقان ترلری کوروب استغراب ایدن و قرار کاهده شریف هایونی بکله ین بر برنسه:

— والده، سز پادشاهلنی، غزانی، غازیلک نعمتی قولایمی ظن ایدیور سکز. بن بویله یورولوب ترله مز سه م وظیفه می ناصل اوده مش اولورم ونه یوزله حضور رب غزته چیقارم .. دیه لی دها چوق اولمادی،

یاوز سلطان سلیمک عجم و مصر سفرلرینی بیلمه ین، غننه سیله بیلمه ینی وار؟

— سز ایستر سه کز کری دونک بن تک، باشمه کیده رم .. کبی ادراک بشرک بک کوجلکه احاطه ایده بیله جکی بیوکلک لری سویله تن تربیه فکریه کندیلمکندن اولمادی ..

مصر سفرینک باشه چیقاریله بیلمسنده کی کوجلکی، تهلمکی ا کلاتمق ایسته ین صدر اعظمک دها سوزینی بیتیرمه دن چادیرینی باشه کچیرتن عظمت روح کندیلمکندن اولمادی .. [صوکی وار]

بیروت: م. علی منیر

